

## INSTITUTO GALEGO DE PROMOCIÓN ECONÓMICA

*Resolución do 15 de decembro de 2010 pola que se publica o tipo de xuro para o primeiro semestre de 2011 para as operacións acollidas a diferentes convenios e programas de axuda do Instituto Galego de Promoción Económica (Igabe).*

Segundo se establece nos convenios de colaboración asinados entre o Instituto Galego de Promoción Económica e diversas entidades financeiras para operacións acollidas a eles, o tipo de xuro variará por semestres naturais e publicárase no *Diario Oficial de Galicia*, condición que tamén se establece en distintos programas de axuda do instituto.

Polo que antecede e unha vez verificados os datos relativos á evolución do míbor e euríbor, en virtude das facultades que teño conferidas mediante o artigo 12º a) da Lei 5/1992, do 10 de xuño, de creación do Instituto Galego de Promoción Económica, e do artigo 11º 1 a) do Decreto 317/1992, do 12 de novembro, polo que se aproba o regulamento do Igabe,

### RESOLVO:

Primeiro.-Os tipos de xuro de referencia para o primeiro semestre de 2011 para as operacións acollidas aos seguintes convenios e programas do Instituto Galego de Promoción Económica (Igabe) serán os seguintes:

-Préstamos dos convenios de apoio financeiro ás pemes 1999, 2000, 2001, 2002, 2003, 2004, 2005 e 2006: 1,269%.

-Préstamos do convenio de apoio financeiro ao sector pesqueiro de Galicia (DOG nº 133, do 10 de xullo de 2001): 1,269%.

-Programa de apoio financeiro aos establecementos turísticos, hostalaría e comercio detallista nas comarcas de Ferrol, Eume e Ortegal (DOG nº 194, do 5 de outubro de 2007): 1,269%.

-Programa de préstamos para financiar producións audiovisuais na Comunidade Autónoma de Galicia (DOG nº 87, do 7 de maio de 2002): 1,269%.

-Programa de préstamos para financiar proxectos emprendedores na Comunidade Autónoma de Galicia (DOG nº 63, do 31 de marzo de 2003): 1,269%.

-Convenio polo que se establece unha liña de avais do Igabe para financiar a adquisición de dereitos de pesca por parte de agrupacións de produtores para o acceso da frota galega a caladoiros, suscrito entre o Igabe e as entidades financeiras (DOG nº 222, do 15 de novembro de 2004): 1,269%.

-Programa de préstamos para financiar proxectos en materia de innovación tecnolóxica na Comunidade Autónoma de Galicia (DOG nº 84, do 3 de maio de 2005): 1,269%.

-Convenio polo que se establece unha liña de avais do Igabe para financiar a adquisición de dereitos de pesca por parte de armadores e agrupacións de produtores para o acceso da frota galega a caladoiros, suscrito entre o Igabe e as entidades financeiras (DOG nº 195, do 9 de outubro de 2006): 1,269%.

-Convenio entre o Igabe, as sociedades de garantía recíproca e as entidades financeiras adheridas para a habilitación dunha liña de financiamento específica para emprendedores (DOG nº 195, do 9 de outubro de 2006): 1,269%.

-Convenio entre o Igabe, as sociedades de garantía recíproca e as entidades financeiras adheridas para a habilitación dunha liña de financiamento específica para proxectos de innovación na Comunidade Autónoma de Galicia (DOG nº 195, do 9 de outubro de 2006): 1,269%.

-Bases reguladoras das axudas para a habilitación de liñas de financiamento subsidiado para microempresas, proxectos emprendedores e investimentos das pemes para a mellora competitiva na Comunidade Autónoma de Galicia, liñas peme xove e peme competitiva, instrumentadas mediante convenio de colaboración suscrito entre o Instituto Galego de Promoción Económica, as entidades financeiras e as sociedades de garantía recíproca adheridas (DOG nº 101, do 28 de maio de 2007): 1,269%.

-Bases reguladoras das axudas para a habilitación de liñas de financiamento subsidiado para producións audiovisuais e investimentos en bens de equipo que realizarán as pemes do sector audiovisual galego, instrumentadas mediante convenio de colaboración suscrito entre o Instituto Galego de Promoción Económica, as entidades financeiras e as sociedades de garantía recíproca adheridas (DOG nº 216, do 8 de novembro de 2007): 1,269%.

-Programa de préstamos do Igape para financiar proxectos de investimento na Comunidade Autónoma de Galicia con fondos do Banco Europeo de Investimentos (BEI) (DOG número 244, do 19 de decembro de 2007): 1,269%.

-Bases reguladoras das axudas para a habilitación de liñas de financiamento subsidiado para microempresas, proxectos emprendedores e investimentos das pemes para a mellora competitiva na Comunidade Autónoma de Galicia, liñas peme xove e peme competitiva, instrumentadas mediante convenio de colaboración suscrito entre o Instituto Galego de Promoción Económica, as entidades financeiras e as sociedades de garantía recíproca adheridas (DOG número 47, do 4 de marzo de 2008): 1,269%.

-Bases reguladoras das axudas para a habilitación de liñas de financiamento subsidiado para microempresas, proxectos emprendedores e investimentos das pemes para a mellora competitiva na Comunidade Autónoma de Galicia, instrumentadas mediante convenio de colaboración suscrito entre o Instituto Galego de Promoción Económica, as sociedades de garantía recíproca e as entidades financeiras adheridas (Programa Re-imaxina), liñas 2 e 3 (DOG nº 148, do 30 de xullo de 2009): 1,269%.

Segundo.-As entidades financeiras deberán comunicarlles aos beneficiarios dos préstamos subvencionables a variación do tipo de xuro.

Santiago de Compostela, 15 de decembro de 2010.

Joaquín Varela de Limia de Cominges  
Director xeral do Instituto Galego  
de Promoción Económica